



COMUNU de ASSÈMINI
Tzitadi Metropolitana

Bia Cagliari 16 (09032) Assèmini ☎ 070/949400 fax 070/949407 Responsàbili Servitziu ☎ 070/949458
e-mail: ufficio.cultura@comune.assemini.ca.it

**Sa Responsàbili de is Servitzius Educativus, Cultura,
Sotziali, Sport**

FAIT SCIRI

Ca s'Amministratzioni Comunali, bolit fàiri unu cursu de teatru, in lingua sarda, po asseminesus/as chi tenint prus de 65 annus.

DESTINATÀRIUS: max 15 iscritus, de 65 annus in susu, residentis in su Comunu de Assèmini.

FINALIDADIS E TEMAS

s'Amministratzioni Comunali bolit fàiri atividadis de arrecru e culturalis po sa fàscia de populatzioni, òminis e fèminas, chi apant cumpriu 65 annus de edadi. Sa primu proposta est de fàiri unu laboratòriu teatrali, fintzas in lingua sarda, cun temas chi pertocant a sa cultura e a sa traditzioni sarda. S'obietivu sotziali de su progetu est cussu de fàiri apillari is capassidadis de vida, de connoscèntzia de su connotu e de s'abbilèntzia de ddas intregari a is generatzionis noas cun unu progetu chi arrapresentit un'ocasioni de sotzializatzioni, de arrecru e integratzioni aintru de is fàscias de edadi difarentis de sa populatzioni.

Su cursu tenit su scopu de fàiri imparari tènnicas teatralis simpris cumentis a s'expressividadis, sa tènnica vocali, is tènnicas de improvisatzioni teatrali, etc.

Sa congruidura de su progetu laboratoriali previdit de pònniri in scena unu spetàculu teatrali chi at a fàiri parti de su programa de is eventus po afestari sa Paschixedda de su 2020;

STRUTURA DE SU CURSU

Is letzionis s'ant a fàiri in su Teatru de su Centru Giòvunus de Assèmini – Cursu Europa, in is diis e in oràrius ancora in fasi de definitzioni.

PROTZEDURAS

Po s'iscritzioni a su cursu tocat a cumpilari su mollu apòsitu e auniri còpia de su documentu de identidadi.

MANERAS E TÈRMINIS PO PRESENTARI SA DOMANDA

Is citadinus\as interessaus\das a pigari parti a su laboratòriu teatrali depint fàiri arribbari a su Comunu de Assèmini, **aintru de is 10:30 de su 15 de Mes'e Ladàmini de su 2020**, su mollu de iscritzioni, cumpilau e corredau de sa documentatzioni nomenada in susu, cun:

- arrecumandada cun avisu de arricidura, a custu indiritzu: Comunu de Assèmini, Pratzza Repubblica n. 1

- a manu a s'Ufìtziu Protocolu de su Comunu de Assèmini, de **Lunis a Cenàbara de is 8:30 a is 10:30, Lunis e Mèrcuris a merì de is 16:00 a is 18:00**

- Posta Eletrònica Certificada a s'indiritzu: protocollo@pec.comune.assemini.ca.it

TUTELA DE SA PRIVACY

Cunforma a su Decretu Legislativu n° 196/2003 s.m. e i. e a su Regulamentu Europeo UE n. 679\2016 in matèria de amparu de is datus personalis, s'informat ca is datus e is informatzionis, fintzas in forma de documentus, arricius in ocasioni de custa protzedura, ant a èssiri arregortus de s'Amministratzioni e ant a èssiri manixaus sceti po is finalidadis chi pertocant su protzedimentu amministrativu etotu.

Po totus is informatzionis utilosas e is crarimentus, si podit pediri a s'Ufìtziu Cultura, in is oràrius de obertura a su pùbbricu de su lunis a su cenàbara de is 8.30 a is 11.30, telefonari a su nùmuru 070 949488 - 949400 - Email: ufficio.cultura@comune.assemini.ca.it

Assèmini, _____

Sa Responsàbili de is Servìtzius
Educativus, Cultura, Sotziali e Sport
Dut.ssa Valentina Melis

Documentu firmau in digitali cunforma a su TU 445/2000 e a su D.Lgs. 82/2005 e respetivas normas collegadas, chi tenit su matessi valori de su documentu in paperi e sa firma autografa.